



محمود محمد الحريري

ابتدا بـحبك صباحي

شعر عامية



الطبعة الأولى

الكتاب : ابتدا بحبك صباحي

شعر : محمود محمد الحريري

طباعة : دار الرضا للطبع والنشر والتوزيع

رقم الإيداع بدار الكتب : ٢٠٢١/٥٣٥٣ م

الترقيم الدولي : 9-2-85856-977-978

رئيس مجلس الإدارة

رضا عبادة

المدير العام

العزب فتحي

٩ شارع فاطمة الزهراء من شارع الترابيع

الطوابق - جيزة

ت/ ٠١١١٤٤٨١٤٦١ - ٠١٠٩٠٢٧٢٧٧٦

تصميم الغلاف الفنان / محمد مخلوف

جميع الحقوق محفوظة للمؤلف

إهداء ..

إلى زوجتي

وأولادي وأحفادي الغاليين

أهدى هذا الديوان باللهجة العامية..

ليذكروني

محمود محمد الحريري

باعتب على قلبي



باعتب على قلبي
عشان لسه بي فكر فيك

ويعود من تاني
ويشتاقك ويحن إليك

إزاي يطمئن ويسامحك
ويأمن ليك؟

وانت اللي أذيتيه ودوّقتيه
المُر على إديك

لساك بتفكر ترجعله
وتسحره بعينك؟

انا ادوس علي قلبي برجليا
لو نادى عليك.

من جوه ضلوعى راح اشيله
لو لسه شاريك

قلبي مش حمل غرام تانى
وازاي يجاريك؟

ماتسيبه ف حاله عشان خاطرى
الله يخليك

إتخيلت شكك



ياما اتخيلت شكك
قبل ماتشوفك عيوني
ياما سمعت صوتك
كل ماتعمّض جفوني

.....

ياما حلمت إنك
شمس بتبدد غيومي
وبحنان بتمد إيدها
تضمّني وتزيح همومي

.....

واستمر معايا حلمي
إني لازم يوم هاقابلك
وإن قلبي في يوم هيفرح
لما يتوّنس بحبك

ويوم ماشفتك فى الحقيقة
طلعتِ أجمل م الخيال
وسمعت صوتك نعمة حلوة
وضحكك سحر ودلال
وف عيونك نظرة صافية
جمال طبيعى ملوش مثال

.....

ولقيت فى طبيعك رقة ناعمة
مش ممكن تخطر على بال
دا انتِ حبيك أعلى نعمة
وعمره.. مايتأقِل بمال

مش فاكراڻي



عملت نفسيها مش عارفاني
وكأنها من كوكب تاني

أول ماشافتي قصاد عينها
حلفت إنها مش فاكراڻي

دانا كنت حياتها ودنيها
وتموت نفسيها علساني

وإن مرة سافرت بعيد عنها
كانت دائماً تستناني

وتبيع الدنيا عشان خاطري
وبكل كيائها بتهواني

إزاي دلوقت بتكرني
وتقول إنها مش عارفاني

معقول نسياني ومش فاكرة
تلاقيها عرفت.. راجل تاني

وتعيد القصة من الأول
مع واحد.. إحتل مكاني

خدینا یافرحة



تعالی حبیبتی نعلنها
نودّع کل أحزاننا
نرجّع تانی أفراحننا
وننسى الهم والحرمان

تعالی یافرحة وخذینا
لبر أمان ترسینا
بخیر وسلام تغطینا
وننسى معاك ای هوان

وابعد من هنا یاعذاب
ولاتحاول تدق الباب
ولو ضعف الأمل أو غاب
هنتمسك بحلم زمان

ياشمس الصبح ورينا
طريق واضح نخطي عليه
نحقق كل أمانينا
وحلم جميل بنحلم بيه
ويملا الحب كل مكان

وطول ماإيماننا ف قلوبنا
إله الكون يقربنا
يبارك لنا ف حياتنا
ويبعد عنا الأحزان

ليه تسأليني



أنا لما جيتك لاجل اصالحك

ليه تسأليني إنت مين؟

أنا اللي قلبه بيتكوي

من كتر شوقه والحنين

أنا اللي روحه بتشتكي

ويزيد صراخها والأنين

أنا بس طالب تسمعيني

وياريت كمان قلبك يلين

ردى عليا وطميني

وبلاش يكون قلبك ضنين

وانا راح اشيلك جوه قلبي
واقفل عليك برمش العين

وبلاش تقولي عليا ماضي
أو إني ذكرى من سنين

مش ممكن أعشق حد غيرك
دا هواك مكتوب ع الجبين

مش هاقدر ابعث تاني عنك
وهاكون على قلبك أمين

بس او عديني يوم ما جيلك
بلاش تقولي إنت مين

الهوى غلاب



هو صحيح الهوى غلاب؟
سؤال مهم عاوزله جواب

أصل الهوى لو مش غلاب
بنحب ليه ونعيش فى عذاب

والا العذاب فى الحب مزاج.
ويكون عذابنا بدون أسباب

مش كنا ريحنا قلوبنا
وقفلنا ف وش الحب الباب

يبقى صحيح الهوى غلاب
يغلب قلوب كل الأحباب

ويرجعوا بعد خصامهم
من غير زعل أو أي عتاب

والحب يجمع بين الناس
حتى كمان لو كانوا أغراب

ويصبحوا ف لحظة حبايب
ومفيش ما بينهم أي حجاب

يعني صحيح الهوى غلاب
وبيتعمَّله... ألف حساب

حب حقيقي



أنا حبي بجد حقيقي
والله دا حب بذمة

إزاي نرجع م الأول
بعد ما حصَّنا القمة

أنا عمرى ماكنت أناني
ولا حبي ماكان له لزمة

إزاي تخاصمني وتمشى
ولا تنطق حتى بكلمة

عمرى ما فكرت أغشك
ولا يوم لبستك عمّة

أنا حبي بجد حقيقي
والله دا حب بذمة

.....

أنا حالى زي ماهُوا
وبدوب ف عنيك الحلوة

باسمع أغانيك تعجبني
سمعنى كمان كام غنوة

وأكثر من نفسى بحبك
وأدعيلك مليون دعوة

إن احنا نعيش ف محبة
وحياتنا ماتعرف قسوة

دانا حبي بجد حقيقي
والله دا حب بذمة

.....

الصدق ف كل كلامي
ولا مرة نطقت بكذبة

أنا عمرى ماحببت غيرك
ولا كانت عندي الرغبة

إوعى تفكر تهجرني
أو تجرح قلبي بحربة

مقدرش أعيش من غيرك
دى العيشة بدونك صعبة

وانا حبي بجد حقيقي
والله دا حب بذمة

إشقتك



اشقتك يا حلم عمري
وأغلى حاجة ف دنيتي

شفت السعادة معاك
وعشت أجمل فرحتي

من يوم ما بعدت عني
زادت همومي ولو عتي

والنوم خاصم جفوني
عايش بحزني وحسرتي

قلبي ينادى عليك
أصلك نصيبي وقسمتي

.....

اشتقتك ياللى دايمًا
كنت فرحي وبسمتي

حُبك عَشش في قلبي
مالك كياني ومهجتي

وحياة عنيكِ الحلوة
لاسقيكِ كل محبتي

تمسحي بإيدكِ دموعي
وترجعيلي ضحكتي

اتولدت من جديد



فاكرة اول يوم عرفتك
يومها اتولدت من جديد

واتحفر حبك ف قلبي
عشقك رسخ جوه الوريد

حسيت بطعم الدنيا حلوة
وعرفت إن اليوم دا عيد

كأنى كنت ف حتة ضلمة
ولمحت نور جاى من بعيد

فِي الْيَوْمِ دَا نَوَّرَتِ الدُّنْيَا
وَمَشْ هَاكُون تَانِي وَحِيد

شَفْتِكِ مَلَائِكَةُ السَّمَاءِ نَازِل
يُبَارِكُنِي عَلَى حَبِي الْوَلِيد

أَوَّلُ مَا شَفْتِ جَمَالَ عَيْنِي
سَرَحْتُ فِيهَا وَكُنْتُ سَعِيد

وَكُتِبَتْ فِيكَ أَحْلَى كَلَام
أَوْصَفُ غَرَامِي وَأَقُولُ وَأَعِيد

حَبِّكَ زَرَعُ .. فِيهَا الْأَمَلُ
وَكُلُّ يَوْمٍ .. يَكْبُرُ وَيَزِيدُ

بستان حياتى اتملا أفراح
شجر المحبة طرح عناقيد

ومحبتك سر سعادتى
قناديل غرامك نورها يقيد

إبتدا بحبك صباحی



قبل حبك كنت باصرخ
للسما يوصل صياحی

كنت تايه وسط صحرا
والرمال تسمع نواحی

كنت مسجون جوه ضلمة
مستحيل تطلق سراحی

والحياة مش فارقة عندي
لو كنت نايم والا صاحی

ويوم ما شففتك عيني لمعت
وانتشيت ونسيت جراحی

قلبي غنى وروحي رجعت
وزاد سروري وانشراحی

والخيال أصبح حقيقة
لما خدتك فوق جناحي

جوه قلبي طبعت صورتك
وابتدا بحبك .. صباحي

لو بتحبني



لو صحيح بتحبني

كنت تسمع نبض قلبي

اللى مفتاحه ف إديك

كنت تعرف معنى حبي

اللى دايم بيناديك

كنت ترحم دمع عيني

اللى مشتاقه لعنيك

**

لو صحيح بتحبني

كنت تسهر بالليالي
تفتكر أيام وصالنا

كنت تفتكر الحكاوى
كنت تحيى ذكرياتنا

كنت تشعر باشتياقى
لكلمة حلوة بألف معنى

**

لو صحيح بتحبني

إفتحلى قلبك تلقى قلبى
يروق ويصفى ويحتويك

خلىنى جنبك تفوز بحبى
دانت عشقى وروحى فىك

محتاج لحنك وافدىك بعمرى
وابىع الدنيا.. واشترىك

الحب وسنينه



نصحونى كثير وقالولى
ابعد عن الشر.. وغنيئه

ويوم ماقربت من الحب
عرفت إنه الشر بعينه

حببت ياناس وعشقت غزال
كأن عمرى.. مشفتش غيره

وجريت وراه زي المجنون
مربوط بحبل مايبنى وبينه

واسهر ليالى بافكر فيه
واتمنى ألمح ضى عيونه

وطول نهاري أحوم حوالية
يمكن يحن أو اسمع صوته

عرضت قلبى وحبى عليه
رفضني.. وجرحنى غروره

حسيت بقلبي كأنه غريق
ومفيش إدين عاوزة تشيله

خلاص ندمت وفوقت ياناس
هابعد عن الحب واغنيئه

وبأعلى صوت أصرخ وأقول
يقطع الحب على سنينه

نظرة وكلمة ولمسة



ياللى نظرة من عنيك
حرّكت فيا الحنين

نظرة رشقت جوه قلبى
شايلة فيها غرام سنين

.....

ياللى كلمة من شفائيك
تحىى قلبى بعد موت

كلمة سكنت جوه روحى
تقضى بيها على السكوت

.....

ياللى لمسة من إيدك
تخلّى جسمى ينتفض

لمسة حسّت بيها إيدى
وباقى جسمى بيعترض

.....

ياللى حُبك حلم عمري
كنت باحلم بيه ليلاتى

مدّى إيدك وانقذيني
من عذاب حطم حياتى

وامسحى بكفك دموعى
وخلصيني من آهاتى

بأحِن إليكِ يا حبيبتي



بأحِن إليكِ يا حبيبتي
وأشواقى بتغلبنى

بأحِن لكل ما فيكِ
وأحِن لقعدتِكِ جنبى

وبأشتاقكِ يا نور عيني
يا ساكنة الروح وفى الننى

.....

بأحِن ليوم ما كنا زمان
بنرسم قلب على شجرة

ولما الدنيا بتمطر
نسابق بعض فى المطرة

واحط اديا فى اديك
ونتدارى ورا صخرة

.....

باحن لقعدة جنب البحر
وضل سحابة يحميننا

ونسمة جميلة بتهفهف
وموجة تبّل رجلينا

ونرمى همومنا وسط الموج
وصوته العالى يشجينا

.....

بأحن إليك يا حبيبتي
ياريت ننسى العتاب واللوم

وترجع تانى ليالينا
ينورها قمر ونجوم

تعود الفرحة لقلوبنا
مايفضل فيها أى هموم

قلبي بيسألني



مرة لقيت قلبي بيسألني
ليه أحوالك مش عجباني

وازاي تقسي وتقفل مني
والا نويت إنك تنساني

ليه بتخاصم بس حبيبي
إوعى تكون أصبحت أناني

بقي فيه حد بيتعب قلبه
ويخليه يحزن ويعاني؟

يلا بسرعة تعالي معايا
وانسى عنادك مرة عشاني

نوصل عند حبيبي نصالحه
ونسَمِّعه أنغام وأغانى

نطلب منه يرُوق ويسامح
نرجع زي زمان من تاني

وانا رديت على قلبى أعاتبه
إياك تزعل مني ثواني

بس حبيبك ياما زَعَنِي
وياما حَيَّرَنِي وياما وَرَّانِي

بس عشانك ممكن أروحهُ
واعطيه حبي وكل حناني

حُب الناس



لما تكون بتحب الناس
تلقى الناس كلها بتحبك

لما بتسعي لعمل الخير
عمر الدنيا ف يوم ماتذك

أصل الحب ده حاجة جميلة
لو حبيت الحب يصاحبك

أما الحقد ده شئ مكروه
عمر الحاقد يوم مايحبك

إبعد عنه وعن أحقادِه
أصله بحقدِه أكيد هِيضُرْكَ

لما يشوفك يوم فرحان
عَلُّه يسوقُه ويقتل فرحك

ولما ف يوم تحصَّكَ أزمة
تلاقِيه يفرح ويزيد همك

لما ياصاحبي تكون محبوب
روحك تصفَى ويفرح قلبك

رَبِي يبارك فيك ويعزك
والناس كلها تفضل جنبك

أصْنُكَ لَمَّا تحب الناس
تلقَى الناس كلها بتحبك

فى أول يوم



شفت عنىها الحلوة
فى أول يوم.. سحرتنى
وسمعت الضحكة الصافية
فى أول يوم .. بهرتنى
وخذتنى.. لبحور الشوق وسابتنى

حسيت بالحب لأول مرة بيدخل قلبى
ولقيت الدنيا بتضحك وبتنده لى..
وفردت اديا.. وجريت ع الدنيا
ونسيت القسوة.. ونسيت نفسى

وقريت في عنيا كلام وكلام

وسرحت كتير ..ويا الأحلام

باحلم بلقاها.. واتمنى رضاها

أتمنى أعيش العمر معاها

سهم الحب



مالك ياقلبي؟ ما كنت عايش
من سنين سلطان زمانك

وعمر دقاتك مازادت
أى دقة طول حياتك

ولا أى لحظة حب قدرت
تخطفك.. وتنول وصالك

النهارده جاى تقول لى
إن سهم الحب صابك

إزاي وإمتي وليه حصل؟
دَا انتَ طول عمرك فِ حالك

معقولة ده الحب اللي مرة
فى المنام جالك وزارك

واللى يومها قُلتُ إنه
مستحيل يقلب كيائك

خلاص ياقلبي السهم صابك
والحب عشش بين جنابك

إفرد دراعك للمحبة
وانسى بالمرّة عنادك

واحضن القلب اللي حبّك
هتلاقية بيصون ودادك

ليه تخصصني



ياحبيبي ليه تخصصني
واندهلك تبعد عني

ياشاغلني بسحر عنيك
باتمني تقرب مني

تعالالي وطفى لهيبي
ليه تمشي بعيد وتسيبني

أنا قلبي كتير مشتاقك
لو أبعد لحظة يجيبي

وأبات الليل أحلم بك
ماهو سهم غرامك صابني

ياحبيبي ليه تخاصمني
واندهلك تبعد عني

ياجميل الروح والبسمة
وتهل كأنك نسمة

باتمنى اسمع لو كلمة
أو تهمس ليا بهمسة

أو إيدك تلمس إيدى
تلاقيني أدوب من لمسة

لو تنسى ف لحظة خصامك
راح اقيد ف صوابي الخمسة

واخذك في سفينة حبي
والقلب يكون لك مرسى

ياحبيبي ليه تخاصمني
وانده لك تبعد عني

إياك تفضل على عندك
دا بعادك عني تاعبني

والنار ف القلب بتكوي
وعذاب الشوق يغلبني

والله انا لسه شاريك
اياك تغلط وتبيعني

ياحبيبي ليه تخاصمني
وانده لك تبعد عني

يادنيا ليه بتعاندينا



يادنيا ليه بتعاندينا
وكل يوم تقسى علينا

وليه بتسرقي فرحتنا
د احنا اللي فينا مكفيننا

الحزن عتش في قلوبنا
ومن دموعنا بيسقينا

والغش بقى مالي حياتنا
والغل.. يكثر حوالينا

يادنيا ليه بتعاندينا
وكل يوم تقسى علينا

.....

أحبابنا سافروا ونسيونا
وسابولنا أحزان تشقيننا

أصحابنا برخيص يبيعونا
ولاحد فيهم يواسينا

قدامنا يضحكوا في وشوشنا
فى الضهر نارهم تكوينا

و يفرحوا لما بنغرق
و يزعلوا.. لو قبينا

مَن أقرب الناس لقلوبنا
الطعنة صعبة وتذينا

يادنيا ليه بتعاندينا
وكل يوم تقسى علينا

.....

عمالة بتزيدي جراحنا
وبقينا ناسيين أسامينا

وبقسوة حطمتي أمالنا
وفى الضياع ليه ترمينا

تسيبينا ف البحر حيارى
ع البر ليه ماترسينا

يادنيا ليه بتعاندينا
وكل يوم تقسى علينا

نفسى يادنيا ف يوم نفرح
يادنيا إمتى تصالحننا

ليه الود هان



سألته ليه الود هان
وفين وصالنا بتاع زمان

وازاي يتوه الحب منَّا
وليه نقول كنا وكان

إمتى يعود الحب لينا
ويملا روحنا ود وحنان

.....

ليه الدموع تملأ العيون
والروح تقاسى من الظنون

والقلب يصرخ ف الضلوع
والعقل قرب ع الجنون

معقول تضيع أحلى المعاني
ونعيش فى ضلمة زى السجون

.....

ياريت يقول لى هجرنى ليه
وحياتى عنده تساوى إيه

دانا قلبى دايمًا بيناديه
ونفسه يظمن عليه

ويقول له ليه الود هان
ماتيجى نرجع زى زمان

بانادی عليك



بانادی عليك

ماتیجی نبتدی القصة

من الأول

نخلى قلوبنا تتصافی

عشان الحزن لايعشش

ولا يطول

ولأجل مايبجي علينا يوم

نلاقى قلوبنا تتحول

كمان مش صعب نتصالح

وننسى اللى حصل بيننا

وننسى زعلنا وهمونا

وبإيدينا..نطوح كل خلافتنا

ورا ضهورنا

عشان بذرة أمل تطرح

تنور جوه ف قلوبنا

ياشمس نهارنا ودليلنا

تعالى.. نورى طريقنا

ومدى إديك وادعيننا

وخلى ضياك من تانى

يجمّع بين مشاعرنا

لو تصفالى الدنيا



نفسى يكون للحزن نهاية
وارجع تانى أعيش فرحان

باحلم يرجع ليا حبيبي
لاجل نحقق حلم زمان

نفسى حبيبي يطل عليا
واسقيه حب وشوق وحنان

باحلم إنى أضمه ف حضني
وانسى معاه كل الأحزان

لو تصفالى الدنيا وتضحك
قلبي يغنى كمان وكمان

يصبح عش يضم حبيبي
ويفضل بالأحاسيس مليون

ونلاقى الدنيا بتحضننا
وتبدر حب في كل مكان

تزرع خير ومحبة ورحمة
وترعى قلوبنا في كل أوان

إوعى تحب ياقلبي



إوعى تقع ف الحب ياقلبي
لَتعيش طول عمرك حيران

وابعد عنه.. تعيش متهني
وتبقى حياتك.. بلا أحزان

إوعى ياقلبي تكون ملهوف
لَتتعذب وتعيش.. ندمان

.....

إوعى تدور جوه عيون
عن أشواق وحنين مدفون

تصبح واقع فى المحذور
وتبقى من الأشواق مجنون

وحياتك كلها .. تتلخبط
وجوه الهم تعيش مسجون

.....

انا حذرتك إنك تعشق
أو إحساسك مرة يشدك

أو أحلامك تسرح بيك
فجأة تلاقى كابوس بيهزك

إسمع منى ياقلبى وفوق
دانا باحميك من حب يذِّك

كفاية بعاد



مستعجل ليه ومشيت بدري
واحنا ماصدقنا انك ترجع

ساعتين والاقيك قايم تجرى
من غير ماتسلّم وتودّع

إنت اتعودت على الغربة
والقلب بسببك يتوجع

أصلك مش حاسس بغلاوتك
ولا إني ف بُعدك باتقَطع

دى غلاوتك عندى ماتتقدر
ساكن فى القلب ومتربع

مستعجل ليه ومشيت بدري
دا الوقت يمر معاك أسرع

مع همساتك قلبى يغنى
مع لمساتك عينى بتلمع

ولما تغيب عنى وتمشي
الروح جوايا بتتمزع

خليك قدام عيني وقلبي
من حبك والله ماباشبع

ماكفاية بعادِ وأفضل جنبى
نفرح بهوانا ونستمع

ليه تهجرنى



ياللى فايتنى وعائش وحدك
ليه تهجرنى وتخفق حبك

ليه تنسانى وتنسى غرامى
بعد سنين عشتها وانا جنبك

ليه بتعذب فىا ياقاسى
ليه تجرحنى وتجرح قلبك

ياللى فايتنى وعائش وحدك
ليه تهجرنى وتخفق حبك

هو الحب ف غُرْفَكَ إِيه
إياك تلعب بيه لَ يلاعبك

إوعى تلاوع فيا وتغدر
خلى صراحتك تغلب كذبك

إوعى تخلى العند يسوقك
تلقى الهم راكبنى وراكبك

ياللى فايتنى وعایش وحدك
ليه تهجرنى وتخفق حبك

يلا تعالى عشان مشتاقك
كل منايا اتها ف قربك

إفتح قلبك لى يحبك
يجرى الحب عليك ويصاحبك

لما تعيش والحب فى قلبك
ينزاح همك.. ويزول تعبك

ياللى فايتتى وعائش وحدك
ليه تهجرنى وتخنى حبك

عيونها الحلوة



شُفت عيونها الحلوة ناديتني
قالتلي تعالي وخذني معاك
خُدنى لدنيا جديدة وسيبني
أدوق الحب واعيئش فى هواك

روحت بسرعة أخذت إيديها
وقلبي عشقها ف غمضة عين
حبها عشش جوه ف قلبي
زى الورد ملا البساتين

جوه عيونها لمحت حكاية
حكاية حب جمع قلبين
لاجل عيونها أبيع الدنيا
دى هي حياتي وضى العين

لما باشوف ف عيونها الضحكة

قلبي بيبقى سعيد فرحان

وانا لو مرة لمحت دموعها

روحي بتغرق ف الأحزان

أصل عيونها لما باشوفها

باشوف الحب ف كل مكان

جوه عيونها نهر محبة

يفيض ع الدنيا بكل حنان

لما القلب دق



أنا قلبي لما دق

سألته دق ليه

قال فيه غزال معدى

نفسى اتعرف عليه

واحكيله كمان حكايتي

يمكن تأثر فيه

ويمد إديه ياخذني

واسرح ف جمال عنيه

.....

أنا قلبي لما دق

طلبت منه يتقل

وبلاش يكون خفيف

ويكون رزين ويعقل

قال لي حرام عليك

وليه عاوزني أزعل

د انا أول مرة شوفته

إتمنيت انه يقبل

وياريتة يحس بيا

وبحبه كمان ماييخل

.....

أنا قلت خلاص ياقلبي

شوف إيه هيرحك

أنا بس كنت خايف

م الحب ليحرك

ياخذك لبحور غريقة

من غير مايرجعك

وتعيش حزين وتندم

وجراحك توجعك

وساعتها نروح ندور

على حاجة تفرحك

اتعودت عليه



حببته ودويت ف حبه
واتعود قلبي عليه

وشبكني برمش عيونه
وبقيت انا ملك اديه

والحب باين ف عنيا
مقدرش ف يوم اداريه

د انا روي عليه بتنادي
ومشاعري تحن اليه

مش ممكن أبعد عنه
أصلى اتعودت عليه

يعني عشان عارف إنه
من أجمل خلق الله

يشتري ويبيع في العالم
وكمان مش فارقة معاه

يتقل ويزيد في دلاله
وعايزنى ألف وراه

طب ليه بيعذب فيا
مع إني بادوب في هواه

وغرامه بيجرى ف دمي
وف ليلى بافكر فيه

مش ممكن أبعد عنه
أصلى اتعودت عليه

ياحبيبي بلاش تتعبنى
ولا تتعب قلبى معاك

د الشوق والله غالبني
واتمنى أعيش وياك

وغلاوتك بتزيد عندي
مهما بتعمل باهواك

إياك تبعد عن عيني
دانا بعشق ضى عنيك

مش ممكن أبعد عنك
أصلى اتعودت عليك

الطريق المسدود



عمرى مانسيت إن قلبى
جرحه غاير من خداعك

عمرى مانسيت إن عينى
دموعها نزلت من كلامك

عمرى مانسيت إن حبك
أصله كذبة من لسانك

.....

كل مرة كنت تغلط
تيجى عندى عشان أسامحك

كل مرة كنت تجرح
تحلف إنه مكنش قصدك

دى الخيانة شئ فى طبعك
والخداع يجرى فى دمك

.....

د انت.. كل كلمة منك
طالعة أقوى من البارود

انت بعث بقلب جاحد
وجرحتنى وخونت العهود

والمسافة بيننا بعدت
والطريق أصبح مسدود

مش هاسامحك تانى أبداً
مستحيل أغفر واعود

سايبنى ورايح فين



ماترد عليا وقول لي
هتسيبني ورايح فين

وكفاية تعذب فيا
جوايا وجع وأنين

ليه دايمما مابتسمعني
ولا بتُرد بحرفين

والله حرام تهجرني
وتروح وتغيب سنتين

من غير ولا كلمة تخلي

القلب يروق ويلين

دا بعاذك عنى تعبنى

والقلب جريح وحزين

والعين مش لاقية دموعها

تسألنى حبيبك فين

ليه كل ما اقرب تبعد

وبقالنا كتير ضايعين

هات إيدك تحضن إيدي

ونعيش احنا الاتنين

لوبكره هترجع تانى

راح اشيلك جوه العين

عمري ماشفت جمالك



أنا عمري ماشفت جمالك
ودلائك مش على حد

دانا قلبى وقع في غرامك
والشوق دوبنى بجد

وباحس بدقة قلبك
لو كنت كمان على بعد

أنا عمري ماشفت جمالك
ودلائك مش على حد

.....

الشعر حرير بيهفهف
وخذودك لونهم ورد

وعيونك صافية وناعسة
بتأخذني إليك واتشد

و شفايفك لما بتضحك
باشعر بقدوم السعد

وكلامك زي السكر
بيكون أحلى من الشهد

ولما تقولي بحبك
باتلخبط أنا في الرد

ماهو أصل جمالِك يروِش
قدامه مايقدر أصد

أنا عمري ماشفت جمالِك
ودلالِك مش على حد

.....

ياعزيزة ومهركِ غالي
وعليكِ العين والقصد

أهديلك مهركِ عمري
واحلفك اصون العهد

وأشيلك جوه عيوني
ويكون لك قلبي المهد

أنا عمري ما شُفت جمالك
ودلائك مش على حد

دانا قلبى وقع في غرامك
والشوق دوبيني بجد

زى النهارده قابلتها



زى النهارده قابلتها
ونده عليا قلبها

وقلبي راح.. شاور عليها
وبسرعة قال لي بحبها

واتمنى لمسة من ايديها
وأملى.. أخطب ودها

عنيها بحر ملوش قرار
ونظرة دافية لمحتها

مشاعرها شلال من حنان

يروى حياتى كلها

زى النهاردة قابلتها

ونده عليا قلبها

.....

ياقصة حب وعشتها

وجوه قلبى نقشتها

الحب جَمَعَ بين قلبين

وحبيبتى مالقت زيها

ومشينا مع بعض المشوار

بكل صدق عشقتها

وكتبت فيها كمان أشعار
أوصف جمالها وحسنها

وطلبت من رب العباد
اعيش حياتي جنبها

تسقينني بإديها الحنان
ويعيش في قلبي حبها

زي النهارده قابلتها
ونده عليا قلبها

بحبك بكل اللغات



باقولك بَحْبِكَ بلا مقدمات
بعمرى اللي عدي وبقي ذكريات
وحاضر باعيشه ثواني وساعات
بَحْبِكَ.. واقولها بكل اللغات

بَحْبِكَ وَحُبِّكَ معشش ف قلبي
واشيلك ف عيني وطول مانت جنبى
أضْمك لحضنى ياأعلى ماغدى
وجوه ف وريدى.. تعالى استخبي

بَحْبِكَ ودايماً باحس بأمان
وقلبك جنينة بتطرح حنان
ويبدر محبة ويملا الكيان
ياأجمل هدية هداها الزمان

بحبك ولا أقدر أغيب لحظة عنك
ولو غبت.. أرجع بسرعة لحضنك
وارسني سفينتي على بر قلبك
وأنادي عليك.. واقولك بحبك

أحلى كلام



الكلام الحلو دائماً
يبقى طالع من شفايفك

وعمري ماسمعت ف حلاوته
من حد قبلك والا بعدك

ولما باسمع كلمة منك
ترجعلى روحى وتزيد غلاوتك

.....

دا الكلام الحلو منك
هو دائماً نور حياتى

هو اللي بيزيد المحبة
و اللي باحلم بيه ليلا تي

هو اللي بيداوى المواجه
وتنتهي فوراً آهاتي

.....

دى الودان تعشق كلامك
والعيون تبعت سلام

والكلام من بين شفائيك
زى نسمة صيف تمام

ماانت ساكن جوه قلبى
وباسمع منك أحلى كلام

إبعد عني



إبعد عني وروح لبعيد
واوعى تفكر يوم وتعود

قلبي ما عاد بالحب سعيد
ولا عاد يظمن لوعود

حبك أصبح وهم كبير
وجوه القلب ما عاد له وجود

**

سيبني أداوى جراحى وادارى
روحي بتصرخ م اللى جرانى

قلبي اتعذب من أفعالك
كُتِرَ خداعك بَدَّلَ حالي

انت أديتني باسم الحب
وبغدرك .. خَيَّبْتَ أُمالي

**

ابعد عني كفاية عذاب
أنا مليت وقفلت الباب

مش هفتحك لو دقيت
ولا راح تسمع مني جواب

إحنا دخلنا طريق مجهول
وتوهنا خلاص وبقينا أغراب

بنداری هوانا لیه



وبنداری هوانا لیه
مادام الحب ف قلوبنا
مدوّبنا...
وناره قایدۀ ف ضلوعنا
نخبیه لیه؟

ولیه الناس متعرفشی
بان احنا.. منقدرشی
بدونه نعیش
وإن قلوبنا مشتاقۀ
وأرواحنا تحن إلیه

ولیه نضغط علی قلوبنا
نعذبها.. ونحرمها

مادام بإدينا نلحقها
ونفتح للهوي بابها
يعيش فيها...
ومنفرطش أبدا فيه

خلاص بصينا حوالينا
وقولنا ان احنا حبيننا
وان هوانا فى قلوبنا
يكفي الكون
وعمره ياناس
ماكان عيبة
عشان نداريه

تعالوا ياناس وهنونا
وشوفوا الحب ف عنينا
وباركوا غرامنا وهوانا
وكل الدنيا تحكى عليه

إرجعلي بسرعة



ارجعلي بسرعة عشان مشتاق
ارجعلي بسرعة كفاية فراق
أنا دائماً قلبي يحن إليك
يبعت سلامات كلها أشواق

.....

ارجعلي عشان قلبي بيهواك
يتمنى يعيش العمر معاك
يسقيك الحب بكل حنان
ولا عمره يفكر يوم ينساک

.....

ارجعلي بسرعة يانن العين
ماتقولني سايبني ورايح فين
مقدرش أعيش من غير حبك
ولا أقدر أعيش بعدك ساعتين

.....

إرجعلي.. ودوّقني غرامك
إسمعني.. وسمّعي كلامك
وحياة الحب اللي ما بينا
لّ اراعيك.. وأنور أيامك

خلص الكلام



خلص الكلام..

وخلص معاه أجمل غرام

وحبيبتى راحت..

من غير ماترمي حتى السلام

وسابتنى عايش وحديا

دموع الحزن ف عنيا

ونار الهجر تكوينى

وشوك الأرض ف اديا

ياحبيبتى نفسى أشوفك

تانى بكره ..

مش عاوز الأيام تمر

وتبقى نكرى..

نفسى نرجع نحكى تانى

نفسى يضحك لى زمانى

نفسى اخذك بين اديا
واطير بعيد...
يرجع الحلم الجميل
نبتدى سوا من جديد
نختفى بين السحاب
نرمى احزاننا بعيد
وسط الضباب..
ننسى لىالى الحزن
وسنين العذاب..

نفسى احطك جوه عينى
وجوه قلبى..
نفسى أسرح فى عيونك
وانت جنبى..
وافضل احكى...
عن غرامى وسر حبى.

الفهرس

م	العنوان	الصفحة
١-	إهداء	٣
٢-	باعتب على قلبي	٥
٣-	إتخيلت شكاك	٧
٤-	مش فاكراني	٩
٥-	خدينا يا فرحة	١١
٦-	ليه تسأليني	١٣
٧-	الهوى غلاب	١٥
٨-	حب حقيقي	١٧
٩-	اشتقت لك	٢١
١٠-	اتولدت من جديد	٢٣
١١-	ابتدا بحبك صباحي	٢٦
١٢-	لو بتحبني	٢٨
١٣-	الحب وسنينه	٣١
١٤-	نظرة وكلمة ولمسة	٣٣
١٥-	باحن إليك يا حبيبي	٣٥
١٦-	قلبي ببسألني	٣٨
١٧-	حب الناس	٤٠
١٨-	في أول يوم	٤٢
١٩-	سهم الحب	٤٤
٢٠-	ليه تخاصمني	٤٦

م	العنوان	الصفحة
٢١-	يا دنيا ليه بتعاندينا	٥٠
٢٢-	ليه الود هان	٥٤
٢٣-	بانادي عليك	٥٦
٢٤-	لو تصفالي الدنيا	٥٨
٢٥-	إوعى تحب يا قلبي	٦٠
٢٦-	كفاية بعاد	٦٢
٢٧-	ليه تهجرني	٦٤
٢٨-	عيونها الحلوة	٦٧
٢٩-	لما القلب دق	٦٩
٣٠-	اتعودت عليه	٧٢
٣١-	الطريق المسدود	٧٦
٣٢-	ساييني ورايح فين	٧٨
٣٣-	عمري ما شفت جمالك	٨٠
٣٤-	زي النهاردة قابلتها	٨٤
٣٥-	بحبك بكل اللغات	٨٧
٣٦-	أحلى كلام	٨٩
٣٧-	إبعد عني	٩١
٣٨-	بنداري هوانا ليه	٩٣
٣٩-	ارجع لي بسرعة	٩٥
٤٠-	خلص الكلام	٩٧